

SARS YI VHUMBUNULA NHLAYO YA LE HENHLA YO KA YI NGA TOLOVELEKANGI YA MITSARISO YO EHLEKETELERISA YA VAT

Tshwane, 11 Mudyaxihi 2023 - SARS yi tinyiketerile ku hakela mivuyiselo ya mali leyi nga enawini eka vahakelaxibalo lava ringaneleke loko yi fanerile ku hakeriwa. Hi ku fambisana na vutinyiketeri lebyi eka lembeximali ra 2022/23 rhekhodo ya R381bn eka mivuyiselo ya timali yi hakeriwile laha R319bn a ku ri mivuyiselo ya VAT.

SARS yi lemukile endlelo ra mitsariso yo ehleketelerisa ya van'wamabindzu va VAT. Eka n'hweti ya Dzivamisoko, ngopfungopfu, hi vonile engetelo wa le henhla lowu lavaka leswaku hi endla nxopaxopo wa xihatla eka phurosese ya hina ya ntsariso. Xikongomelokulu xa kungu na nawu wo tumbuluxa wa pulatifomo ya hina ya vulawuri i ku nyika ku olova eka ntsariso. Leswi swi fanele ku ringanisiwa na nxungeto wa nxaniso na miringeto hi vanhu ku kuma nomboro ya VAT no koxa mivuyiselo leyi nga ri ki enawini. Hi tivisiwile hi njhini ya hina ya nxungeto ya ximanguva lawa leswaku ku na engetelo lowu nga tolovelekangiki eka nhlayo ya mitsariso, leyi yotala a yi ehleketelerisa. Nxopaxopo wa hina wu ringanyeta leswaku tihlayo to tala ta mitsariso leyi ti le ku tumbuluxiwani hi xikongomelo xo xisa SARS naswona, hi ku nghenisa vahakelaxibalo vo tshembeka.

Tanihi mbuyelo wo mixiyo ya hina eka mitsariso ya VAT, na engetelo eka vukungundzwana lebyi nga vaka kona, leswi landzelaka swi fanele ku tirhisiwa hi ku copeta ka tihlo.

- Swikombelo hinkwaswo swintshwa swa ntsariso wa VAT swi ta nghenisiwa eka phurosese yo tika leyi nga katsaka xilaveko xa leswaku mukombera a ta hi nyama, erhavini ra le kusuhi laha bindzu ri kumekaka kona ku tiyiswani na mpasiso.
- Laha vaendlaswikombelo va languteriweke ku endzela rhavi, rendzo ri fanele ku bukiwa ku sungula eka webusayiti ya SARS, hi ku tlilika eka ayikhoni ya "Book an Appointment".
- Matsalwa hinkwawo mo seketela lama lavekaka eka ntiyisiso wa ntsariso ma fanele ku rhumeriwa erhavini eka siku ra xitshembisano.
- Ntsariso wa VAT wu ta endliwa ntsena loko SARS yi enerisiwile hi leswaku xikombelo xi le nawini.

SARS yi tiyimiserile ku yisa emahlweni milandzu ya vugevenga ehenhla ka vavangi lava. Vona lava yivelaka nkwama va engetelela ndzhwalo wa xibalo eka hinkwerhu lava hi hakelaka swibalo swa hina.

Khomixinara wa SARS Ttn Edward Kieswetter u humesile ndzemuxo wa matimba eka lava nghenelelaka eka swikimi leswi. U te: "SARS yi tiyisisa tshalatshala ra yona ra ximunhu hi ku tirhisa mivono ya switiviwa, vunhlori lebyi nga riki bya ntumbuluko na tihlayohlayo to dyondza hi michini ku ndlandlamuxa vuswikoti bya yona ku komba lava nghenelelaka eka nghingiriko wa vugevenga. Lava tekelaka ehansi xintshuxo xa hina,

va endla tano hi ku tsakela ka vona. Ku engetelela, Ndzi tsakela ku tisola eka vahakelaxibalo vo tshembeka eka nkanganyiso lowu nga vangiwaka hi leswi".

"SARS i vandla ra nkoka eku akeni ka rixaka no tiyisa xidemokirasi xa hina hi ku fambisa vutihlamuleri bya yona byo hlengeleta xibalo, ku antswisa vulangzelelanawu, no fambisa vuxavisi lebyi nga enawini ku pfuneta ku aka mfumo lowu nga na vuswikoti. SARS yi fambisa xileriso lexi handle ka nchavo, tintswalo kumbe ringhohe."

Mayelana na vuxokoxoko byo tala, u komberiwa ku tihlanganisa na SARSMedia@sars.gov.za